

COMHAIRLE BAILE GHLASCHU

SEIRBHEISEAN FOGHLAIM

IS E PÀIPEAR FOIRMEIL CO- CHOMHAIRLEACHAIDH A THA SEO

Moladh:

Is e adhbhar na co-chomhairle seo Ath-sgoil Bhaile Ghobhainn a stèidheachadh mar sgoil ainmichte, le sgìre-sgoile dhearbhte. Tha e cuideachd a' moladh bun-sgoil Foghlam tro Mheadhan na Gàidhlig eile a stèidheachadh ann an ear-thuath a' bhaile.

Sgoil(tean)	Uàrd(an)	Raon Planaidh Ro- innleachdail	Coimhearsnachdan Ionnsachaidh
Sgoil Ghàidhlig Ghlaschu (Sràid Berkeley); agus Ath-sgoil Bhaile Ghobhainn.	10 agus 5	Iar-thuath agus Deas	Hillhead (Ceann a' Chnuic) /Coimhearsnachd Ionnsachaidh Ghàidhlig Ghlaschu
Bun-sgoil Ghàidhlig Ghleann Dail	6	Deas	Hillhead (Ceann a' Chnuic) /Coimhearsnachd Ionnsachaidh Ghàidhlig Ghlaschu
Seann Bhun-sgoil Naoimh Sheumais	9	Iar-thuath	N/A

AITHISG LE STIÙIRICHE GNÌOMHA AN FHOGHLAIM

Chaidh am pàipear seo a sgaoileadh le Comhairle Baile Ghlaschu airson co-chomhairleachadh a rèir Achd nan Sgoiltean (Co-chomhairle) (Alba) 2010.

Tha dàta mapa na Suirbhidh Òrdanais a tha sa phàipear seo, air a sholarachadh le Comhairle Baile Ghlaschu fo cheadachd bhon t-Suirbhidh Òrdanais gus a dhleastanas poblach a thaobh a' cho-chomhairleachaidh phoblach seo, a choileanadh. Bu chòir do dhaoine a' coimhead a' mhapaidh seo fios a chur gu Còraichean-glèidhte na Suirbhidh Òrdanais airson comhairle, far a bheil iad gus mapadh/dàta na Suirbhidh Òrdanais a cheadachadh airson an cleachdadh fhèin.

1 Cùl-fhiosrachadh

- 1.1 Ann an 1999, dh'fhosgail Glaschu a' chiad solar FMG aig ìre bun-sgoile. Mar a bha roile na sgoile a' fàs, bha e riatanach gluasad gu togalach eile còmhla ri solar foghlam FMG àrd-sgoile, taobh a-staigh an ùghdarrais ionadail.
- 1.2 San Lùnastal 2006, dh'fhosgail Comhairle Baile Ghlaschu (GCC) a' chiad sgoil FMG ioma-ìreil nuair a ghluais a' Bhun-sgoil FMG a bh' ann mar-thà gu Àrd-Sgoil Woodside air Sràid Berkeley.
- 1.3 Tha a' bhun-sgoil air a bhith a' fàs gu cunbhalach on uair sin, agus a' sruthadh troimhe gu solar FMG àrd-sgoile air a' champas. Tha FMG gun teagamh sam bith air a bhith soirbheachail sa bhaile.
- 1.4 Sa Chèitean 2016, dh'fhosgail GCC an dàrna bun-sgoil FMG ann an Campas Ghleann Dail ann an sgìre Pollokshields ann an Glaschu. Dhearbhadh meas mòr air a' bhun-sgoil seo cuideachd le iarrtas a' meudachadh bhon sgìre ionadail.
- 1.5 Tha pàrantan air feadh a' bhaile a' roghnachadh FMG airson diofar adhbharan, tha seo ga fhàgail dùbhlach an fhìor iarrtas a mheasadh gu mionaideach. Tha fios againn bho na teaghlaichean a tha a' cleachdadh an t-solair gu bheil nas lugha na 20% a-nis a' tighinn bho theaghlaichean far a bheil Gàidhlig air a labhairt mar chiad chànan.
- 1.6 Leis an t-solar bun-sgoile a' fàs, feumaidh solar àrd-sgoile fàs cuideachd. Gus seo a choileanadh, tha feum air na h-àireamhan bun-sgoile aig campas Sràid Berkeley a lùghdachadh, gus leudachadh air an àrd-sgoil a cheadachadh. A thuilleadh air an sin, bha feum air cothrom air goireasan foghlaim coporra a leasachadh. Ann an 2019, chaidh talla spòrs ùr fhosgladh a' cleachdadh maoineachadh bho Riaghaltas na h-Alba, mar sin gu mòr a' neartachadh nan goireasan airson foghlaim coporra. Cha robh an làrach air a dealbhadh airson àireamhan àrda de sgoilearan a bhith gan giùlan air còmh-dhail, gu h-àraid sgoilearan nas òige, agus feumar sùil a chumail air an seo.
- 1.7 Sa Mhàrt 2017, thug Stiùiriche Gnìomha an Fhoghlaim pàipear gu Comataidh Leasachaidh Poileasaidh Chloinne is Dhaoine Òga mu FMG sa bhaile, mu choinneamh an ama ri teachd. Bha am pàipear a' toirt geàrr-iomradh air beachdan a bha air an tional tro thachartasan co-chomhairleachaidh le

pàrantan agus luchd-ùidhe eile aig campas Sràid Berkeley, faisg air deireadh 2016. Bheachdaich a' Chomataidh air a' phàipear anns an robh measadh air iarrtas teachdail agus buil sheiseanan conaltraidh a bha air an cumail le pàrantan is luchd-cùraim, luchd-obrach agus daoine òga. Dh'aontaich a' Chomataidh gun robh a' chùis dèante airson na tritheamh bun-sgoile FMG sa bhaile, agus dh'iarr iad air an Stiùiriche Gnìomha cead a shireadh bhon Chomataidh Gnìomha gus co-chomhairle a chumail fo Achd nan Sgoiltean (Co-chomhairle) (Alba) 2010. Sa Ghiblean 2017, dh'aontaich a' Chomataidh Gnìomha ri co-chomhairle fo Achd nan Sgoiltean (Co-chomhairle) (Alba) 2010.

- 1.8 B' e buil a' cho-chomhairleachaidh, ged a bha pàrantan dìoghrasach mu FMG fhaicinn a' leudachadh, cha robh iad a' cur taic ri treas sgoil ann an iar-dheas a' bhaile. Thug seo dùbhlain leis a thaobh in-ghabhail an Lùnastail 2018 a chionn 's nach robh comas aig an dà làraich, Gleann Dail agus Sràid Berkeley, air taic a chur ris an in-ghabhail a bha air ro-innse.
- 1.9 Chaidh Buidheann Obrach Geàrr-amail a stèidheachadh, le Neach-gairm an Fhoghlaim, Sgilean agus Tràth-bhliadhnaichean sa chathair. Bha a' bhallrachd air a dèanamh suas de phàrantan, oifigearan agus buill thaghte thar-phàrtaidh. Dh'aontaich an SLWG ri Ath-sgoil a bhith air a stèidheachadh ann an togalach Ladywell ann an Whiteinch airson an Lùnastail 2018, le gluasad gu Ath-sgoil ùr ath-leasaichte ann an Baile Ghobhainn san Lùnastal 2019. Bheachdaich an SLWG cuideachd air àm teachdail fad-àmail FMG sa bhaile.
- 1.10 Bha an SLWG a' tuigsinn gun robh feum air barrachd solair FMG tràth-bhliadhnaichean a leasachadh sa bhaile; gun robh feum aig pàrantan air cùram co-thaiceil aig ìrean ro-sgoile agus bun-sgoile; agus gum bu chòir beachdachadh air ceathramh bun-sgoil ann an ear-thuath a' bhaile.
- 1.11 Thathar a' moladh gun cumar co-chomhairleachadh reachdail gus beachdachadh air dà chùis:
 - (a) Ath-sgoil Bhaile Ghobhainn a stèidheachadh mar sgoil iomlan ainmichte; agus
 - (b) ceathramh bun-sgoil a leasachadh air làrach ann an Ear-Thuath a' bhaile.
- 1.12 Dh'fheumadh a' cho-chomhairle seo sgìrean-sgoile a dhearbhadh do gach aon de na bun-sgoiltean FMG, làithreach agus molta, sa bhaile.
- 1.13 Bidh co-chomhairleachadh fa leth eile air a chumail a thaobh an ama ri teachd do Àrd-Sgoil Cartvale, a bha roimhe suidhichte ann an togalach Ath-sgoil Bhaile Ghobhainn.

2 Togalaichean làithreach

- 2.1 Tha trì togalaichean an làthair a tha gan cleachdadh airson FMG a-mhàin a libhrigeadh do chlann aois sgoile: Sgoil Ghàidhlig Ghlaschu (Sràid Berkeley); Bun-sgoil Ghàidhlig Ghleann Dail agus Ath-sgoil Bhaile Ghobhainn. Tha na dhà mu dheireadh a' libhrigeadh gu clann aois bun-sgoile agus tha Sgoil Ghàidhlig Ghlaschu le solar sgoil-àraich, bun-sgoile agus roinn àrd-sgoile.
- 2.2 Gu làithreach, tha 17 seòmraichean-teagaisg làn-ùine sa bhun-sgoil aig Sràid Berkeley le comas air 495 sgoilear aig a' char as àirde. Tha dà chlasrum ioma-adhbharach sa bhun-sgoil agus leabharlann mheadhanan. Tha tallachan bìdh agus spòrs air an co-roinn le sgoilearan na h-àrd-sgoile mar a tha na raointean cluiche.
- 2.3 Chaidh Bun-sgoil Ghàidhlig Ghleann Dail fhosgladh sa Chèitean 2016. Tha i co-shuidhichte le Bun-sgoil Ghleann Dail ann am Pollokshields. Tha seachd seòmraichean teagaisg innte airson an cleachdadh a-mhàin leis a' bhun-sgoil FMG agus cleachdadh co-roinnte air farsaingeachdan ioma-adhbharach, talla-cleasachd, farsaingeachd airson dràma/ceòl agus spàs a-muigh, a' gabhail a-steach raon spòrs fuadain do 7-cluicheadairean. Tha raon-cluiche beag ann don chloinn as òige a dh'aon ghnothaich às leth solar FMG.
- 2.4 Thòisich Ath-sgoil Bhaile Ghobhainn ga h-obrachadh san Lùnastal 2019. Tha 12 àiteachan teagaisg innte agus 2 sheòmar ioma-adhbharach. Tha raointean cleachdaidh sùbailteach air leth san sgoil agus talla ioma-adhbharach le Raon Gheamannan Ioma-Chleachdaidh a-muigh.
- 2.5 Chan eil an còrr comais aig an làraich aig Sràid Berkeley a leudachadh gus barrachd àiteachan teagaisg a cheadachadh agus cha mhotha a tha comas leudachaidh sam bith aig làrach Ghleann Dail. Tha comas aig Ath-sgoil Bhaile Ghobhainn air tuilleadh leudachaidh tro chleachdadh air àiteachan mòidealach no leudachaidhean maireannach. Ach, bhiodh feum air obair sgeadachaidh gus an raon-cluiche a leudachadh a-steach don raon nàbachd a tha ann an sealbh na Comhairle.

3 Àireamhan sgoilearan ann am FMG

- 3.1 Tha na h-àireamhan don Lùnastal 2019 mar a leanas:

Ainm na Sgoile	P1	P2	P3	P4	P5	P6	P7	Àireamh iomlan
Sgoil Ghàidhlig Ghlaschu	75	58	64	77	48	58	70	450
Ath-sgoil Bhaile Ghobhainn	32	34	15	10	20	11	0	122
Bun-sgoil Ghàidhlig Ghleann Dail	22	31	34	37	23	16	15	178

Ainm na Sgoile	S1	S2	S3	S4	S5	S6	Àireamh iomlan
Àrd-sgoil Ghàidhlig Ghlaschu	67	60	75	51	64	36	353

- 3.2 Mar a thugadh fa-near ann an 1.5, chan eil e comasach an t-iarrrtas airson FMG ro-innse gu mionaideach oir tha pàrantan a' taghadh FMG airson measgachadh de dh'adhbharan. Nochd cunntas-sluaigh 2011 gun robh dùmhlachd luchd-labhairt na Gàidhlig nas làidire ann an Iar-Thuath a' bhaile agus nas laige ann an Ear-Thuath a' bhaile. Mar sin, mar thoradh air an t-solair FMG bun-sgoile làithreach, tha e loidsigeach moladh gum bi an ceathramh bun-sgoil air a stèidheachadh ann an Ear-Thuath a' bhaile. Cheadaicheadh seo dhuinn ar n-amas a neartachadh a thaobh Gàidhlig a leudachadh mar a tha mìnichichte ann am Plana Gàidhlig na Comhairle. (<https://www.glasgow.gov.uk/article/17536/Gaelic-Language-Plan>).
- 3.3 Stèidhichte air na h-àireamhan làithreach ann am FMG bun-sgoile, is iad na leanas na h-àireamhan ro-innsichte do ÀS1. Thoir an aire gu bheil àireamh bheag gach bliadhna de dh'iarrrtasan suidheachaidh airson foghlam àrd-sgoile bho sholar FMG ann an ùghdarrasan ionadail san nàbaidheachd. Chan eil iad sin air an gabhail a-steach do na figearan seo.

	2020/21	2021/22	2022/23	2023/24	2024/25
Sgoil Ghàidhlig Ghlaschu	70	58	48	77	64
Ath-sgoil Bhaile Ghobhainn	0	11	20	10	15
Gleann Dail	15	16	23	37	34
Iomlan ÀS1	85	85	91	124	113

- 3.4 Le in-ghabhail leantainneach gu P1 de 66 ann an Sgoil Ghàidhlig Ghlaschu, is e 140 an comas àireamhan as àirde airson ÀS1.

4 Molaidhean

- 4.1 Mar a thugadh fa-near roimhe, tha Foghlam tro Mheadhan na Gàidhlig soirbheachail sa bhaile. Tha iarrrtas a tha a' meudachadh airson FMG bho phàrantan air feadh a' bhaile.
- 4.2 Tro an SLWG agus seiseanan conaltraidh ann an 2019 le comhairlean phàrantan agus Comann nam Pàrant, tha pàrantan air a bhith a' cur taic san fharsaingeachd ris a' bheachd gum bu chòir FMG bun-sgoile a bhith air a libhrigeadh mu thimcheall meadhan a' bhaile, le làrach Sràid Berkeley a'

fuireach mar bhun-sgoil agus àrd-sgoil. Tha pàrantan a' tuigsinn ma bhios FMG a' leantainn air a' meudachadh, dh'fhaodadh nach bi e comasach bun-sgoil a chumail aig Sràid Berkeley, oir dh'fhaodadh prìomhachas aig Sràid Berkeley a bhith air a thoirt do dh'ìrean àrd-sgoile ma leanas an t-iarrrtas. Ach, tha na figearan gu ruige seo a' moladh nach bi feum air an seo sa mheadhan-ama, 's e sin san ath chòig gu deich bliadhna.

Moladh – Ath-sgoil Bhaile Ghobhainn

- 4.3 Thathar a' moladh gun tèid Ath-sgoil Bhaile Ghobhainn a dhèanamh na sgoil fa leth, le ceannard agus sgioba luchd-obrach ainmichte. Ma thèid seo aontachadh, bhiodh co-chomhairle ionadail fa leth aig a' choimhearsnachd sgoile gus ainm ùr a thaghadh. Bhiodh an sgoil an uair sin mar phàirt de Choimhearsnachd Ionnsachaidh Ghàidhlig Ghlaschu/Ceann a' Chnuic (Hillhead)).
- 4.4 Tha e air a mholadh gum bi sgìre-sgoile na sgoile ùire a' toirt a-steach iar-dheas a' bhaile, 's e sin an sgìre air a cuairteachadh le abhainn Chluaidh, an iar air an M8/M77 agus crìoch a' bhaile, mar a chithear ann am Pàipear-taic 1.
- 4.5 Bhiodh sgìre-sgoile Sgoil Ghàidhlig Ghlaschu an ceann a tuath a' bhaile, 's e sin an sgìre tuath air abhainn Chluaidh agus crìoch a' bhaile, mar a chithear ann am Pàipear-taic 1.
- 4.6 Bhiodh sgìre-sgoile Bun-sgoil Ghàidhlig Ghleann Dail a' toirt a-steach ear-dheas a' bhaile, 's e sin an sgìre air a cuairteachadh le abhainn Chluaidh gu an ear air an M8/M77 agus crìoch a' bhaile, mar a chithear ann am Pàipear-taic 1.
- 4.7 Dh'fhuiricheadh na sgìrean sgoile molta sin nan àite gus an deigheadh an sgoil ùr a tha molta fhosgladh, ma dh'aontaichear.
- 4.8 Mura b' urrainn do sgoil sam bith clann bhon sgìre-sgoile aice fhèin a ghabhail, dh'fhaodadh gun deigheadh àite a thabhann dhaibh aig làrach FMG eile, nan ceadaicheadh àireamhan. Bhiodh an rangachadh tro iarrrtasan suidheachaidh mar a tha mìnichte sa phoileasaidh airson thar-chlàradh do sgoiltean ionadail <https://glasgow.gov.uk/article/18205/Placing-Requests> . Thoir an aire gun do dh'atharraich slatan-tomhais iarrrtasan suidheachaidh bhon Lùnastal 2019, agus a thaobh thar-chlàraidh do sgoiltean ionadail chan eil slatan-tomhais astair gan cleachdadh tuilleadh.

Moladh – Sgoil ùr ann an togalach seann Bhun-sgoil Naoimh Sheumais

- 4.9 Tha e air a mholadh gum fosgail a' Chomhairle ceathramh bun-sgoil FMG ann an togalach seann Bhun-sgoil Naoimh Sheumais. Tha an làrach, còmhla ri solar eile bun-sgoile FMG ri fhaicinn ann am Pàipear-taic 2.

4.10 Chaidh Bun-sgoil Naoimh Sheumais a thogail ann an 1895. Bha i mar aon de 152 Sgoil Bùird air an togail ann an Glaschu eadar 1873 agus 1919. Air a dealbhadh le MacThòmais is Sandilands (b' e Iain MacThòmais am mac bu shine aig an ailtire Alexander 'Greek' Thomson), chaidh an sgoil a liostadh ann an 1993 le Àrainneachd Eachdraidheil Alba gu h-àraid airson mionaideachd a h-obair cloiche. Mar a bha àbhaisteach don mhòr-chuid de Sgoiltean Bùird aig an àm, bha na seòmraichean-teagaisg mòra air an suidheachadh timcheall air gailearaidh gu h-àrd a bha a' leigeil solas nàdarra a-steach don fharsaingeachd sa mheadhan agus mun cuairt a' bhalconaidh. Bha inntrigeadh do na seòmraichean teagaisg a bha thairis air trì ùrlaran, tro dhà staidhre òrnaideach co-chothromach le measgachadh de dh'oifisean beaga air na leth-staidhrichean. Tha pàirt-ìoslach gu h-ìosal le spàsan a bha air an cleachdadh bho thùs airson bùithtean-obrach, goileadairean agus ionadan nigheadaireachd. Bha an togalach tùsail agus taigh an dorsair nan suidhe ann an oisean fearainn le tuilleadh fearainn air a chur ris fada às dèidh sin airson raon spòrs morghain a chruthachadh. Dhùin an sgoil ann an 2009.

4.11 Tha ailtirean air sgeidsichean a thoirt gu buil de mar a dh'fhaodadh an togalach a bhith air ath-leasachadh agus air a leudachadh gus àrainneachd ionnsachaidh àrd-chàileachdail a sholarachadh. Chithear iad sin ann am Pàipear-taic 4.

4.12 Aon uair 's gum biodh an togalach air ath-ùrachadh agus air a leudachadh a rèir an dealbhaidh air an sgeidse, chomasaicheadh an goireas a tha molta na leanas:

- 12 seòmar teagaisg agus 2 spàs ioma-adhbharach le taighean-beaga agus seòmar-chòtaichean faisg air làimh;
- spàsan mòra teagaisg/sùbailteachd air gach ìre teagaisg;
- talla spòrs/bìdh le 3 cùirtean;
- seòmar dràma/stèids;
- seirbheisean tadhail, spàs sàbhailteachd agus seòmar choinneamhan;
- spàs ruith-thairis airson ceòl/dannsa
- leabharlann sgoilearan
- cidsin
- spàsan a bharrachd airson stiùiridhean sgoile.

Inntrigeadh gun bhacadh gu gach ìre agus tha na seòmraichean uile san raon co-chuimseach ann am farsaingeachd ri coimeasaiche air ùr thogail.

Tha farsaingeachd iomlan de 8,300 meatair ceàrnagach eadar an togalach agus an raon mun cuairt air; mòr gu leòr airson àite cluiche mòr sgoile a ghabhail le measgachadh de fhearann sgeadaichte cruaidh agus bog, còmhla ri raon spòrs do 7-cluicheadairean.

- 4.13 Tha cosgais iomlan an ath-ùrachaidh air a thuairmseadh aig timcheall air £15 millean. Bhiodh oifigearan na Comhairle a' sireadh taic bho Riaghaltas na h-Alba tro thabhartas Calpa Gàidhlig, agus am "Prògram Inbheistidh Oighreachd Ionnsachaidh" aig Riaghaltas na h-Alba, a tha air a riarachadh tro SFT, còmhla ri maoineachadh calpa na Comhairle fhèin. Aig an ìre seo mar sin, chan eil e comasach ceann-latha fosglaidh tuairmseach don sgoil ùr ainmeachadh. Ma dh'aontaichear ris a' cho-chomhairle seo, dheigheadh fiosrachadh mu adhartas a chumail ri pàrantan agus luchd-cùraim tro Chomhairle Phàrant gach sgoil. Dheigheadh coinneamhan phàrantan a stèidheachadh mar a bhiodh iomchaidh airson conaltradh nas èifeachdaich mu adhartas leis na pàrantan sin air am faodadh buaidh dìreach a bhith.
- 4.14 Bhiodh sgìre-sgoile na sgoile ùire gu ear-thuath a' bhaile agus Gorbals/Oatlands, mar a chithear ann am Pàipear-taic 2. Tha an sgìre seo a' gabhail a-steach uàrdan 9, 17, 18, 19, 20, 21 agus 22. Tha Pàipear-taic 3 a' sealltainn barrachd mionaideachd den sgìre a tha air a gabhail a-steach bho na Gorbals agus Oatlands. Bhiodh an sgoil na pàirt de Choimhearsnachd Ionnsachaidh Ghàidhlig Ghlaschu/Ceann a' Chnuic (Hillhead).
- 4.15 Bhiodh an sgìre-sgoile do Sgoil Ghàidhlig Ghlaschu gu an iar-thuath den bhaile, mar a chithear ann am Pàipear-taic 2. Tha an sgìre seo a' gabhail a-steach uàrdan 10, 11, 12, 13, 14, 15, 16 agus 23.
- 4.16 Bhiodh an sgìre-sgoile do Bhun-sgoil Ghàidhlig Ghleann Dail ann an ear-dheas a' bhaile às aonais sgìre Gorbals/Oatlands, mar a chithear ann am Pàipear-taic 2 agus 3.
- 4.17 Bhiodh an sgìre-sgoile do Ath-sgoil Bhaile Ghobhainn ann an iar-dheas a' bhaile, mar a chithear ann am Pàipear-taic 2.
- 4.18 Thoir an aire nach biodh na h-atharrachaidhean sin ann an sgìrean sgoile èifeachdach gus am biodh an sgoil ùr deiseil airson a fosgladh, nan deigheadh gabhail ris a' mholadh seo.
- 4.19 Nuair a bha Bun-sgoil Ghàidhlig Ghleann Dail ga fosgladh, chaidh aontachadh leis na teaghlaichean a bha a' fuireach san sgìre-sgoile ùir, gun tòisicheadh sinn le Prìomh 1 gu Prìomh 5, agus an sgoil fhàs às dèidh sin. Nuair a chaidh an Ath-sgoil fhosgladh, thabhainn sinn an nì cheudna do na teaghlaichean a bha a' fuireach ann an iar-dheas a' bhaile. Dh'obraich an dòigh seo glè mhath aig an dà làraich. Aig an ìre seo, chan eil raon-ama dearbhte againn airson fosgladh na sgoile ùire a tha molta. Chumadh sinn fiosrachadh ri pàrantan agus bhiodh sinn a' deasbad leotha a thaobh na dòigh as fheàrr nuair a bhios raon-ama soilleir againn do fhosgladh na sgoile ùire ann an ear-thuath a' bhaile, ma dh'aontaichear ri seo.

5 Buannachd Oideachail

A' chlann

- 5.1 Tha FMG ann an Glaschu soirbheachail gun teagamh sam bith. Tha clann agus daoine òga a' coileanadh glè mhath nan sgoiltean agus a' faighinn tlachd às an raon fharsaing de na fìor chothroman a tha air an tabhann, leithid ceòl traidiseanta.
- 5.2 Mun àm a tha daoine òga san àrd-sgoil, tha iad air fileantas a ruighinn ann an Gàidhlig. Ann an deuchainnean SQA ro dheireadh ÀS5 agus ÀS6, tha Sgoil Ghàidhlig Ghlaschu air a bhith a' gnìomhadh nas fheàrr gu cunbhalach na sgoiltean le feartan co-ionann.
- 5.3 Tha a' chlann san Ath-sgoil air soirbheachadh gu mòr. Tha iad a' gabhail tlachd à ionnsachadh còmhla nan togalach ùr ath-leasaichte ann am Baile Ghobhainn. Fo cheannardas an iar-cheannard san Ath-sgoil agus ceannard Sgoil Ghàidhlig Ghlaschu, tha feallsanachd làidir in-ghabhalach air leasachadh. Ma dh'aontaichear gum bi an Ath-sgoil na sgoil fa leth ainmichte, thogadh na pàrantan, luchd-obrach agus clann air an fheallsanachd làidir seo. Bhiodh a' chlann, na pàrantan agus luchd-obrach an sàs ann an taghadh ainm ùr don sgoil aca, a chuireadh taic ri leasachadh air faireachdainn nas làidire de fhèin-aithne.
- 5.4 Tha an t-iarrrtas airson FMG a' leantainn air a' fàs. Thathar a' tabhann àite do gach pàiste ann an Glaschu ma tha am pàrantan airson àite ann am FMG, ged nach eil seo an-còmhnaidh san àite as fhaighe don dachaigh aca.
- 5.5 Bhiodh am moladh a thaobh sgoil ùr a leasachadh ann an togalach seann Bhun-sgoil Naoimh Sheumais a' ceadachadh cothrom air FMG do bharrachd chloinne. Bhiodh na sgìrean sgoile a tha molta do gach bun-sgoil FMG a' ciallachadh gum biodh cothrom aig barrachd chloinne air FMG nas dlùithe don dachaigh.
- 5.6 Dhèanadh an sgoil ùr comasach don chloinn a th' ann leantainn orra a' coileanadh gu math. San sgoil ùr aca, bhiodh raon co-ionann de chothroman aig a' chloinn. Leasaicheadh an sgoil feallsanachd a bheireadh luach don chultar shaidhbhir Ghàidhlig a tha cho follaiseach sna sgoiltean a th' ann mar-thà.
- 5.7 Nan deigheadh aontachadh ris a' mholadh, bhiodh feum againn air barrachd thidsearan àrd-chàileachdail FMG. Ghluaisheadh cuid den luchd-obrach còmhla ris a' chloinn bho na sgoiltean a th' ann, a chumadh leantainneachd ri ionnsachadh na cloinne. Tha sinn a' leantainn air adhart ag obair le Riaghaltas na h-Alba gus a dhèanamh cinnteach gum bi am planadh a thaobh sgioba-obrach a' gabhail cunntas air a' mheudachadh ann am FMG ann an Glaschu.

Pàrantan, Luchd-cùraim agus a' Choimhearsnachd Ionadail

- 5.8 Tha na sgoiltean FMG a th' ann mar-thà, a' solarachadh foghlam de dh'àrd-chàileachd air a bheil luach mòr aig pàrantan agus luchd-cùraim, a bhios ag aithris faireachdainn làidir de bhuntanas don sgoil. Tha iad uailleil às an fhoghlam a tha ga lìbhrigeadh sna sgoiltean.
- 5.9 Stèidhicheadh pàrantan Ath-sgoil Bhaile Ghobhainn an Comhairle Phàrant fhèin agus bhiodh iad an sàs ann an trusadh ceannard ùr, ma dh'aontaichear ris a' mholadh.
- 5.10 Tha tràth-ionnsachadh agus cùram-chloinne FMG aig a' Chomhairle ann an Sgoil-àraich Lyoncross, Sgoil-àraich Rowena agus sa chlas àraich ann an Sgoil Ghàidhlig Ghlaschu. Tha tràth-ionnsachadh agus cùram-chloinne cuideachd ann an Seudan Beaga. Tha planaichean ann sgoil-àraich ùr a thogail ri taobh Ath-sgoil Bhaile Ghobhainn. Bhiodh an sgoil-àraich seo a' solarachadh cùram co-thaiceil agus bhiodh i ann an com-pàirteachas le Comhairle Baile Ghlaschu. Tha sinn ag obair le com-pàirtichean gus leantainn air adhart a' leudachadh solar FMG sgoil-àraich sa bhaile, mar phàirt de ar planaichean leudachaidh a thaobh tràth-ionnsachadh is cùram-chloinne.
- 5.11 Tha làrach Ath-sgoil Bhaile Ghobhainn a' gabhail a-steach MUGA. Tha farsaingeachd math raon-cluiche agus talamh ann a dh'fhaodadh a bhith air a leasachadh airson ionnsachadh a-muigh. Buinidh an talamh timcheall an togalaich don Chomhairle agus nan leanadh iarrtas a' fàs, dh'fhaodte beachdachadh air an spàs seo airson a bhith na phàirt de thalamh na sgoile gus ceadachadh dhuinn an sgoil a leudachadh, nam biodh seo a dhìth airson iarrtas san àm ri teachd a choinneachadh.
- 5.12 Dheigheadh talamh seann Bhun-sgoil Naoimh Sheumais a leasachadh agus a leudachadh gus raon fuadan ioma-shìdeach a ghabhail a-steach. Tha comas fìor mhath aig an fharsaingeachd mun cuairt na sgoile airson raon-cluiche nas motha agus nas fheàrr agus do dh'ionnsachadh a-muigh. Tha fagasachd Glasach Ghlaschu a' solarachadh ghoireasan sàr-mhath do chlann gu an cuid ionnsachaidh a leudachadh a thuilleadh air eachdraidh shaidhbhir na nàbaidheachd.
- 5.13 Chuidicheadh solar FMG a bharrachd tro Ath-sgoil Bhaile Ghobhainn a bhith na sgoil ainmichte agus sgoil ùr ann an ear-thuath a' bhaile, a' Chomhairle ann an coileanadh an iarrtais a tha a' sìor fhàs ann am FMG. Chuireadh an dà mholadh sin taic ris an lùghdachadh a tha riatanach anns an àireamh de chlann aois bun-sgoile ann an Sgoil Ghàidhlig Ghlaschu. Tha seo deatamach gus ceadachadh don àrd-sgoil leudachadh mar a bhios àireamhan meudaichte ag eadar-ghluasad bho bhun-sgoil gu àrd-sgoil. Lùghdaichidh e cuideachd an uimhir còmhdaigh air am bi feum aig Sgoil Ghàidhlig Ghlaschu, nì a bhiodh na bhuannachd dhaibhsan a tha a' frithealadh na sgoile agus dhaibhsan a tha a' fuireach mun cuairt Sràid Berkeley.

Luchd-cleachdaidh eile

5.14 Bhiodh goireasan san sgoil ùr FMG ann an ear-thuath a' bhaile, a bhiodh rim faotainn leis a' choimhearsnachd taobh a-muigh prìomh uairean sgoile.

Luchd-cleachdaidh an t-solair san àm ri teachd

5.15 Bheireadh an sgoil ùr FMG ann an ear-thuath a' bhaile piseach air na goireasan san sgìre. Cha bhiodh call sam bith ann do luchd-cleachdaidh air an t-solar san àm ri teachd.

Sgoiltean/aitreabhan eile san ùghdarras againn

5.16 Cha toireadh am moladh buaidh mhì-shealbhach air sgoiltean eile. Mar a chaidh chaidh aithris a-cheana, chuidicheadh an sgoil ùr a' Chomhairle ann an coinneachadh iarrtas do FMG san àm ri teachd.

Ar measadh air èifeachdan coltach eile a' mholaidh (ma bhuilichear e)

5.17 Bheireadh am moladh comas don Chomhairle an roinn àrd-sgoile ann an Sgoil Ghàidhlig Ghlaschu, a leudachadh. Tha a' Chomhairle, le taic ionmhasail bho Riaghaltas na h-Alba, air an solar ann an Sgoil Ghàidhlig Ghlaschu a leasachadh tro thuilleadh chlasaichean saidheans, teicneòlas feabhasaichte agus talla ùr spòrs o chionn ghoirid.

6 Ceann-latha Molta do Bhuileachadh nam Molaidhean

6.1 Thathar an dùil, ma dh'aontaichear ris a' mholadh, gun tèid Ath-sgoil Bhaile Ghobhainn a dèanamh na sgoil ainmichte agus sin a chur an gnìomh sa bhad, a' leantainn air a' cho-dhùnadh a tha ga dhèanamh aig Comataidh Rianachd a' Bhaile. Dheigheadh ceannard an gnìomh a chur an àite agus thòisicheadh trusadh airson neach-dreuchd maireannach. Bhiodh co-chomhairle ann cuideachd leis a' choimhearsnachd sgoile mu ainm ùr.

6.2 Mar a thugadh fa-near roimhe, chan eil raon-ama daingeann dearbhte fhathast airson bun-sgoil ùr FMG fhosgladh air làrach seann Bhun-sgoil Naoimh Sheumais, ma dh'aontaichear ris a' mholadh seo. Bhiodh an raon-ama air a phlanadh 's air a leasachadh ann an com-pàirteachas le co-obraichean san t-Seirbheis Ionmhais agus Riaghaltas na h-Alba, a tha taiceil don leasachadh. Dheigheadh fiosrachadh a chumail ri pàrantan.

7 Am Pròiseas Co-chomhairleachaidh

7.1 Nuair a bheir Comhairle moladh air adhart airson sgoil fhosgladh no atharrachadh a dhèanamh ann an sgìre-sgoile/raon a lìneachadh agus/no na stiùiridhean atharrachadh a thaobh làimhseachadh air iarrtasan suidheachaidh, tha riatanas ann co-chomhairleachadh poblach a chumail leis an fhrèam reachdail a tha air a mhìneachadh ann an Achd nan Sgoiltean (Co-chomhairle) (Alba) 2010.

7.2 Cuirear na h-ullachaidhean a leanas nan àite:

Thèid pàipearan co-chomhairleachaidh a sgaoileadh gu raon nas fharsainghe de luchd-ùidhe agus pàrtaidhean le ùidh, a' gabhail a-steach:

- Pàrantan/luchd-cùraim/clann bho aitreabhan air a bheil buaidh aig na molaidhean
- Luchd-obrach
- Aonaidhean ciùird
- Bòrd na Gàidhlig
- Comann nam Pàrant
- Foghlam Alba
- Comhairlean Coimhearsnachd
- Com-pàirteachasan Sgìreil
- Buidhnean air an cruthachadh fo Pàirt 2 de dh'Achd Riaghaltas Ionadail ann an Alba 2003
- Luchd-cleachdaidh eile air an àrainn-sgoile
- Na Comhairlean uile a tha gu làithreach a' cur sgoilearan gu Sgoil Ghàidhlig Ghlaschu agus na Comhairlean uile mun cuairt
- Riaghaltas na h-Alba
- Thèid fios ag ainmeachadh ullachaidhean a' cho-chomhairleachaidh a chur do na pàipearan-naidheachd
- Duilleag ainmichte air làrach-lìn na Comhairle airson an dà chuid fiosrachadh agus comas a thoirt do phàrtaidhean le ùidh freagairt don mholadh.

Mion-fhiosrachadh conaltraidh

- Àireamh fòn: 0141 287 4327
- Seòladh: Co-chomhairle Sgoiltean, 40 Sràid Eòin, Glaschu, G1 1JL
- Seòladh làrach-lìn: www.glasgow.gov.uk/schoolconsultations
- Seòladh puist-d: schoolconsultations@glasgow.gov.uk

Tha clàr-ama innseachail a' cho-chomhairleachaidh a rèir a' chlàir gu h-ìosal:

Ceann-latha	Gnìomh
31 Dàmhair 2019	Comataidh Rianachd a' Bhaile

18 Samhain 2019	Toiseach ùine a' Cho-chomhairleachaidh Phoblaich (sanas)
25 Samhain 2019	Coinneamh phoblach – Ath-sgoil Bhaile Ghobhainn
3 Dùbhlachd 2019	Coinneamh phoblach - Sgoil Ghàidhlig Ghlaschu
11 Dùbhlachd 2019	Coinneamh phoblach – Bun-sgoil Ghàidhlig Ghleann Dail
26 Faoilleach 2020	Deireadh ùine a' Cho-chomhairleachaidh Phoblaich
5 Gearran 2020	Fiosrachadh gu Foghlam Alba (ùine de 3 seachdainean)
Ri ainmeachadh	Pàipear freagairt a' cho-chomhairleachaidh foillsichte co-dhiù 3 seachdainean ro Comataidh Rianachd a' Bhaile
Ri ainmeachadh	Aithisg gu Comataidh Rianachd a' Bhaile

Tha ullachaidhean air an cur nan àite gus in-ghabhalachd a' phròiseis a neartachadh m.e. tha tionndadh Beurla agus tionndadh Gàidhlig air an toirt gu buil, bidh goireasan sgoil-altraim rim faotainn airson coinneamhan poblach tro iartas ro-làimh. A thuilleadh air an sin, bidh fileantach Gàidhlig an làthair a' riochdachadh na Comhairle.

Mar a tha air aithris gu h-àrd, thèid coinneamh phoblach a chumail gus deasbad air na molaidhean. Tha neach sam bith di-beathte a' choinneamh phoblach a fhrithealadh. Bidh a' choinneamh na cothrom do luchd-frithealaidh:

- Barrachd a chluinntinn mun mholadh
- Ceistean fhaighneachd mun mholadh
- Am beachdan a thoirt fa-near gus an gabhar cunntas orra mar phàirt den phròiseas freagairt co-chomhairleachaidh
- Faighneachd do dh'oifigearan mu na diofar dhòighean sam faod iad freagairt don mholadh

7.3 Mar a bhios le co-chomhairleachaidhean uile, tha sinn a' cur fàilte air molaidhean eile bho luchd-frithealaidh a' cho-chomhairleachaidh.

8 Tabhartas Foghlam Alba

8.1 Thèid lethbhreac den mholadh co-chomhairleachaidh a chur gu Foghlam Alba le Seirbheisean an Fhoghlaim. Gheibh iad cuideachd lethbhreac de riochdachaidhean sgrìobhte sam bith a thig a-steach gu Seirbheisean an Fhoghlaim bho neach sam bith tro ùine a' cho-chomhairleachaidh no, ma dh'aontaicheas Foghlam Alba, geàrr-iomradh orra. Gheibh iad cuideachd geàrr-iomradh de riochdachadh labhairteach a chaidh a dhèanamh gu Seirbheisean an Fhoghlaim aig a' choinneimh phoblaich agus lethbhreac de phàipearachd buntainneach sam bith eile.

8.2 Ullaichidh Foghlam Alba aithisg an uair sin mu thaobhan oideachail nam molaidhean gun a bhith nas fhaide na 3 seachdainean an dèidh do

Sheirbheisean an Fhoghlaim na riochdachaidhean is pàipearachd uile mar a chaidh iomradh gu h-àrd, a chur thuca.

- 8.3 Ann an ullachadh na h-aithisg aca, faodaidh iad tadhail air na h-aitreabhan a tha an ceist, agus a leithid de cheistean reusanta a chur air na daoine an sin agus a thathar a' meas iomchaidh, agus a leithid de cheistean reusanta a chur air a leithid sin de dhaoine eile, 's a tha iad a' meas iomchaidh.

9 Ullachadh Aithisg a' Cho-chomhairleachaidh

- 9.1 Nì Seirbheisean an Fhoghlaim ath-sgrùdadh air na molaidhean le aire air aithisg Foghlam Alba, freagairtean don cho-chomhairleachadh agus riochdachaidhean labhairteach dèante aig a' choinneimh phoblaich. Ullaichidh Seirbheisean an Fhoghlaim an uair sin aithisg fhreagairtean co-chomhairleachaidh airson beachdachadh le Comataidh Rianachd na Comhairle.
- 9.2 Thèid an aithisg fhreagairtean co-chomhairleachaidh fhoillseachadh ann an cruthan eileagtronaigeach is clò-bhuailte agus bidh iad rim faotainn air làrach-lìn Comhairle Baile Ghlaschu, Seirbheisean an Fhoghlaim, Togalach an Ear Seòmraichean Baile Ghlaschu, 40 Sràid Eòin, Glaschu G1 1JL agus an-asgaidh anns na sgoiltean air a bheil buaidh. Gheibh gach neach a fhuair fios dìreach mun cho-chomhairleachadh, pàipear fhreagairtean làn no pàipear geàrr-iomraidh. Gheibh iadsan uile a fhreagair agus a thug seachad fiosrachadh conaltraidh tron phròiseas co-chomhairleachaidh, lethbhreac den phàipear fhreagairtean làn no pàipear geàrr-iomraidh, mar a bhios iomchaidh.
- 9.3 Anns an aithisg fhreagairtean, bidh clàr a' nochdadh na h-àireimh iomlan de riochdachaidhean sgrìobhte a chaidh a dhèanamh tro ùine a' cho-chomhairleachaidh, geàrr-iomradh de na riochdachaidhean labhairteach dèante aig a' choinneimh phoblaich, freagairt na comhairle do dh'aithisg Foghlam Alba agus fiosrachadh buntainneach sam bith eile, a' gabhail a-steach mion-fhiosrachadh mu mhearachdan sam bith air an cur às an leth agus mar a chaidh an làimhseachadh. Anns an aithisg cuideachd, bidh aithris a' mìneachadh mar a chaidh gèilleadh do na riatanasan a thaobh ath-sgrùdadh air a' mholadh, mar gheall air aithisg agus riochdachaidhean Foghlam Alba (an dà chuid labhairteach is sgrìobhte) a fhuairleadh. Bidh Aithisg Fhreagairtean a' Cho-chomhairleachaidh air a fhoillseachadh trì seachdainean aig a' char as lugha ro Chomataidh Rianachd a' Bhaile a thighinn gu co-dhùnadh.
- 9.4 Gabhar ri iarrtasan reusanta airson cruthan eile de na pàipearan co-chomhairleachaidh no pàipearan fhreagairtean far an gabh sin a dhèanamh, m.e. claitinneach no le taic eadar-mhìneachaidh. Nam bu mhath leat lethbhreac den phàipear co-chomhairleachaidh no pàipearan fhreagairtean ann an cruth sam bith eile, cuir fios gu Seirbheisean an Fhoghlaim:

- Air-loidhne aig schoolconsultations@glasgow.gov.uk

- Seirbheisean an Fhoghlaim, Togalach an Ear Seòmraichean Baile Ghlaschu, 40 Sràid Eòin, Glaschu G1 1JL
- No fòn gu 0141 287 4327

10 Nota mu Cheartachaidhean

10.1 Ma lorgar mearachd no dearmad sam bith sa phàipear molaidh seo agus/no aig àm a' cho-chomhairleachaidh le Seirbheisean an Fhoghlaim no neach sam bith, dearbhaidh Seirbheisean an Fhoghlaim ma tha fiosrachadh buntainneach air fhàgail às no ma tha mearachd na lùib. Gabhaidh Seirbheisean an Fhoghlaim an uair sin gnìomh iomchaidh os làimh, a dh'fhaodadh a bhith a' gabhail a-steach sgaoileadh air ceartachadh no ath-sgaoileadh air a' phàipear molaidh no ath-obair air an raon-ama don cho-chomhairleachadh, mar a bhios iomchaidh. San t-suidheachadh sin, thèid fiosrachadh gu na co-chomhairlean buntainneach agus Foghlam Alba.

11 Co-dhùnaidhean bhon Eacarsaich Co-chomhairleachaidh

11.1 Thèid na co-dhùnaidhean is builean bhon Cho-chomhairleachadh a thaisbeanadh gu Comataidh Rianachd na Comhairle.

12 Ceistean Mhinistearan na h-Alba

12.1 Chan eil Achd nan Sgoiltean (Co-chomhairle) (Alba) 2010 ag iarraidh iomradh gu Ministearan na h-Alba ach aig àm dùnaidh air sgoiltean.

13 Aithris Co-ionannachd

13.1 Thèid measadh Buaidh Co-ionannachd a ghabhail os làimh mar phàirt den eacarsaich co-chomhairleachaidh gus dearbhadh a bheil am moladh a' dèanamh leth-bhreith air neach sam bith, air bhunait:


- Aois
- Gnè
- Creideamh
- Buidheann Cinnidheach
- Ciorramachd
- Cleamhnas Gnèitheasach

13.2 Ann an coileanadh Measadh Buaidh Co-ionannachd, gabhaidh sinn cunntas air (agus dèiligidh sinn ri) cùisean co-ionannachd sam bith a thogadh ann an riochd sgrìobhte no labhairte agus a bha dèante mar phàirt den phròiseas co-chomhairleachaidh. Bidh toradh a' Mheasaidh Buaidh Co-ionannachd air a


ghabhail a-steach don phàipear fhreagairtean co-chomhairleachaidh agus cuideachd ri fhaotainn air làrach-Lìn Comhairle Baile Ghlaschu.




Appendix 1 Gaelic Primary School Proposed Catchment Areas



Appendix 2 Gaelic Primary School Proposed Catchment Areas



Appendix 3 **North East Proposed Catchment Boundary**



Education Services
40 John Street
Glasgow G1 1JL
Glasgow Executive Director
Maureen McKenna

© Crown Copyright and database right 2019. All rights reserved. OS Licence No. 100023379
You are not permitted to copy, sub-license or sell any of this data to third parties in any form.

Pàipear-taic 4 – Bun-sgoil Naoimh Sheumais – Dealbhaidhean Sgeidse Ath-uidheamachaidh M



Appendix 4 - St James' Primary - Proposed Refurbishment Sketch Designs

ST.JAMES SCHOOL, CALTON
EDUCATION SERVICES

GAELIC SCHOOL CONSULTATION







LOCATION PLAN




SITE CONTEXT

ST.JAMES SCHOOL, CALTON
EDUCATION SERVICES

Gaelic School Consultation






EXISTING SITE PLAN

ST.JAMES SCHOOL, CALTON
EDUCATION SERVICES

GAELIC SCHOOL CONSULTATION






SITE PLAN 1980'S

ST.JAMES SCHOOL, CALTON
EDUCATION SERVICES


GAELIC SCHOOL CONSULTATION



• GLASGOW • SCHOOL • BOARD •
 • ST. JAMES'S SCHOOL •




Part of Basement Floor




Thomson & Sandilands J.E.
 241 West George St.
 Glasgow June 1893.

• GLASGOW SCHOOL BOARD •
• ST. JAMES'S SCHOOL •



Ground Floor Plan.




Thomson & Sanderson & Co. Ld.
241 West George St.
Glasgow June 1893

ST. JAMES SCHOOL, CALTON
EDUCATION SERVICES

GAELIC SCHOOL CONSULTATION




• S^r. JAMES'S • SCHOOL.



Thomson & Sanclaus 2A
241 West George St

GLASGOW SCHOOL BOARD.
ST. JAMES'S SCHOOL.




Second Floor Plan.

Thomson & Sanclumet L.P.
241 West George St.
Glasgow June 1893.



• GLASGOW • SCHOOL • BOARD •
• ST • JAMES'S • SC



Roof Plan.




Thomson
241 Gt West
Glasgow


ST.JAMES SCHOOL, CALTON
EDUCATION SERVICES

GAELIC SCHOOL CONSULTATION





"Cross Section"




Thomson Wencelund & Co.

241 West George St.
Glasgow June 1893.

ST.JAMES SCHOOL, CALTON
EDUCATION SERVICES

GAELIC SCHOOL CONSULTATION






GREEN STREET

EXISTING SITE PLAN

ST.JAMES SCHOOL, CALTON
EDUCATION SERVICES

GAELIC SCHOOL CONSULTATION





CLAYTHORN PARK

LONDON ROAD

STEVENSON STREET


GREEN STREET

SITE BOUNDARY

ST.JAMES SCHOOL, CALTON
EDUCATION SERVICES

GAELIC SCHOOL CONSULTATION






PROPOSED SITE PLAN


ST.JAMES SCHOOL, CALTON
EDUCATION SERVICES

GAELIC SCHOOL CONSULTATION





-1




REFURB GIFA = 500 SQM

LEVEL -1

ST.JAMES SCHOOL, CALTON
EDUCATION SERVICES

GAELIC SCHOOL CONSULTATION





NEW BUILD GIFA = 945 SQM


REFURB GIFA = 730 SQM

LEVEL 0

ST.JAMES SCHOOL, CALTON
EDUCATION SERVICES

GAELIC SCHOOL CONSULTATION







REFURB GIFA = 120SQM

LEVEL 1

ST.JAMES SCHOOL, CALTON
EDUCATION SERVICES

GAELIC SCHOOL CONSULTATION






REFURB GIFA = 570 SQM

LEVEL 2

ST.JAMES SCHOOL, CALTON
EDUCATION SERVICES

GAELIC SCHOOL CONSULTATION






NEW BUILD GIFA = 385 SQM



REFURB GIFA = 120 SQM

3




LEVEL 3


ST.JAMES SCHOOL, CALTON
EDUCATION SERVICES

GAELIC SCHOOL CONSULTATION





4




REFURB GIFA = 570 SQM

LEVEL 4


ST.JAMES SCHOOL, CALTON
EDUCATION SERVICES

GAELIC SCHOOL CONSULTATION





NEW BUILD GIFA = 1000 SQM



REFURB GIFA = 807 SQM

ROOF PLAN